



Broj: 03-14-1429/18
Vogošća, 06.09.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 06.09.2018. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI
VANJSKOG SPORTSKOG IGRALIŠTA PRI JU OŠ "ZAJKO DELIĆ" KOBILJA GLAVA, NA
PODRUČJU OPĆINE VOGOŠĆA**

Član 1.

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova na izgradnji vanjskog sportskog igrališta pri JU OŠ "Zajko Delić" Kobilja Glava, na području općine Vogošća, kao jedina formalno-pravno prihvatljiva ponuda, sa ukupnom cijenom nabavke u iznosu od 99.988,06 KM bez uračunatog PDV-a, odnosno 116.986,03 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 14.08.2018. godine donio Odluku o pokretanju Otvorenog postupka nabavke radova na izgradnji vanjskog sportskog igrališta pri JU OŠ "Zajko Delić" Kobilja Glava, na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 15.08.2018. godine pod brojem: 1353-1-3-101-3-60/18.

Sažetak Obavještenja o nabavci objavljen je u "Službenom glasniku BiH" broj: 56/18 od 17.08.2018. godine.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 31.08.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 31.08.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 03-14-1429/18 iz augusta 2018, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ame" d.o.o Breza	99.988,06	/	/	116.986,03
2	"Sela" d.o.o. Sarajevo	99.950,30	/	/	116.941,85
3	"Sudel" d.o.o. Ilidža i "Beton fresh" d.o.o. Sarajevo	75.175,20	/	/	87.954,99

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača **"Sela" d.o.o. Sarajevo**, ne ispunjava formalno-pravne uslove tražene Tenderskom dokumentacijom i to:

- Tačkom 8.2.1. stav 2. TD propisano je da Ponuda mora da sadrži Obrazac za ponudu- Aneks 1 TD-sačinjen i popunjen u skladu sa šemom koja je data u Aneksu 1. tenderske dokumentacije, ovjeren i potpisan od strane ponuđača. Također, odredbama Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je kao sastavni dio Obrazca za ponudu predviđena Izjava ponuđača koja treba biti ovjerena i potpisana od strane ponuđača, a koja se u TD ugovornog organa nalazila na stranici broj 20.

Ponuđač "Sela" d.o.o. Sarajevo je u svojoj Ponudi (strana 3. Ponude) dostavio traženu Izjavu koja je zahtjevana odredbama TD, međutim istu je propustio da ovjeri svojim pečatom.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to:
 - 1 (jedno) lice VSS VII stepen-dipl ing. građevine ili arhitekture, odnosno visoko obrazovanje najmanje drugog ciklusa Bolonjskog sistema studiranja (koje se vrednuje sa 300 ECTS bodova) građevinske ili arhitektonske struke, sa položenim stručnim ispitom i 3 godine radnog iskustva;
 - 1 radnik građ. struke (poslovođa), minimum IV stepen stručne spreme;
 - 1 izvršilac, minimum KV radnik-rukovaoc građevinskim mašinama;
 - 5 izvršioca, minimum NK radnici.

Tačkom 7.4.2. pod b) TD je traženo da se kao dokazi za radnike iz tačke 7.4.1. pod b) dostave sljedeći dokumenti uz napomenu da isti moraju biti originali ili ovjerene kopije i to:

- Diploma o završenoj VSS i Uvjerenje o položenom stručnom ispitu za jednog inženjera građevine ili arhitekture (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje drugog ciklusa Bolonjskog sistema studiranja (koji se vrednuje sa 300 ECTS bodova) građevinske ili arhitektonske struke i dokaz o radnom iskustvu i radnom angažmanu,
- Diploma za jednog radnika građ. struke (poslovođa) i dokaz o radnom angažmanu,
- za 1 izvršioca, minimum KV radnik-rukovaoc građevinskim mašinama potrebno je bilo dostaviti Diplomuu/svjedočanstvo o završenoj stručnoj spremi i dokaz o radnom angažmanu,
- za 5 izvršioca, minimum NK radnici potrebno je bilo dostaviti dokaze o radnom angažmanu.

Ponuđač "Sela" d.o.o. Sarajevo je kao dokaz o radnom angažmanu za gore tražena lica u svojoj Ponudi (strana 34-39 Ponude) dostavio Listu osiguranih lica za obveznika od 10.08.2018. godine, izdatu od Porezne uprave Federacije BiH-Ispostava PU Novi Grad, a koja nije ovjerena od strane nadležnog organa na ispravan način. Naime, ovjerena je samo zadnja strana dokumenta, a obzirom da se isti sastoji od 6 stranica, bilo je potrebno ovjeriti svaku stranicu Liste osiguranih lica između stranica, a sve prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine. Komisija za javne nabavke cijeni da dostavljeni dokaz nije u skladu sa postavljenim zahtjevima ugovornog organa u TD i da isti ne ispunjava uslove postavljene u TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda Konzorcija "Sudel" d.o.o. Ilidža i "Beton fresh" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.3.2. pod a) TD, a u skladu sa članom 47. Zakona je propisano da će se ocjena ekonomske i finansijske sposobnosti pored izjave iz Aneksa 5. TD koju su ponuđači dužni dostaviti u svojoj ponudi vršiti i na osnovu Izjave na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi propustio da dostavi traženu Izjavu na obrascu ponuđača o ostvarenom prometu izvođenja radova, koji su u vezi sa predmetnom nabavkom u posljednje 3 (tri) finansijske godine.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to:
 - 1 (jedno) lice VSS VII stepen-dipl ing. građevine ili arhitekture, odnosno visoko obrazovanje najmanje drugog ciklusa Bolonjskog sistema studiranja (koje se vrednuje sa 300 ECTS bodova) građevinske ili arhitektonske struke, sa položenim stručnim ispitom i 3 godine radnog iskustva;
 - 1 radnik građ. struke (poslovođa), minimum IV stepen stručne spreme;
 - 1 izvršilac, minimum KV radnik-rukovaoc građevinskim mašinama;
 - 5 izvršioaca, minimum NK radnici.

Tačkom 7.4.2. pod b) TD je traženo da se kao dokazi za radnike iz tačke 7.4.1. pod b) dostave sljedeći dokumenti uz napomenu da isti moraju biti originali ili ovjerene kopije i to:

- Diploma o završenoj VSS i Uvjerenje o položenom stručnom ispitu za jednog inženjera građevine ili arhitekture (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje drugog ciklusa Bolonjskog sistema studiranja (koji se vrednuje sa 300 ECTS bodova) građevinske ili arhitektonske struke i dokaz o radnom iskustvu i radnom angažmanu,
- Diploma za jednog radnika građ. struke (poslovođa) i dokaz o radnom angažmanu,
- za 1 izvršioaca, minimum KV radnik-rukovaoc građevinskim mašinama potrebno je bilo dostaviti Diplomusvjedochanstvo o završenoj stručnoj spreml i dokaz o radnom angažmanu,
- za 5 izvršioaca, minimum NK radnici potrebno je bilo dostaviti dokaze o radnom angažmanu.

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi (strana 60. Ponude) kao dokaz o radnom iskustvu za diplomiranog inženjera građevinarstva Katadžić Elvisa dostavio Listu osiguranih lica obveznika broj: 13-915-15-4-2373/18 od 29.08.2018. godine, izdatu od Porezne uprave Federacije BiH-Ispostava PU Ilidža, iz koje se vidi da je kao datum početka osiguranja radnika Katadžić Elvisa prikazan 01.02.2018. godine. Obzirom da je za lice dipl ing. građevine ili arhitekture, odnosno za lice sa završenim

visokim obrazovanjem najmanje drugog ciklusa Bolonjskog sistema studiranja (koje se vrednuje sa 300 ECTS bodova) građevinske ili arhitektonske struke traženo 3 (tri) godine radnog iskustva, Komisija za javne nabavke cijeni da dostavljeni dokaz nije u skladu sa postavljenim zahtjevima ugovornog organa u TD i da isti ne ispunjava uslove postavljene u TD.

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi (strana 52-54 Ponude) kao dokaz za traženog radnika građ. struke (poslovođa), minimum IV stepen stručne spreme dostavio Diplomom o završenoj srednjoj stručnoj spremi za radnika Smajlović Irfana. Komisija za javne nabavke cijeni da dostavljeni dokaz nije u skladu sa postavljenim zahtjevima ugovornog organa u TD i da isti ne ispunjava uslove postavljene u TD iz razloga što je tačkom 7.4.1. pod b) TD tražen 1 (jedan) radnik građ. struke (poslovođa), minimum IV stepen stručne spreme, dok se Diploma dostavljena uz Ponudu odnosi na radnika Smajlović Irfana, sa završenim III stepenom građevinske stručne škole i stečenim zvanjem tesar-parketar.

Također, Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi propustio da dostavi traženi dokaz o radnom angažmanu za KV radnika-rukovaoca građevinskim mašinama (dostavljena je samo Diploma za radnika Šoše Adema), a u skladu sa Tačkom 7.4.2. pod b) TD.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova kako slijedi:
 - Kamion-kiper 1 kom
 - Bager-rovokopač 1 kom
 - Valjak od 2 tone 1 kom

Tačkom 7.4.2. pod c) TD su pored Izjave na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženom inventurnom listom ili ugovorom o najmu shodno tački 7.4.1 C kao dokaz traženi i sljedeći dokumenti uz napomenu da isti moraju biti originali ili ovjerene kopije:

- za kamion-kiper iz tačke 7.4.1. pod c) stavka 1. potrebno je bilo kao dokaz dostaviti važeću saobraćajnu dozvolu/potvrdu o registraciji;
- za bager-rovokopač iz tačke 7.4.1. pod c) stavka 2. potrebno je bilo kao dokaz dostaviti važeću saobraćajnu dozvolu/potvrdu o registraciji ili važeću upotrebnu dozvolu;
- za valjak iz tačke 7.4.1. pod c) stavka 3. potrebno je bilo kao dokaz dostaviti važeću saobraćajnu dozvolu/potvrdu o registraciji ili važeću upotrebnu dozvolu.

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi propustio da dostavi traženu Izjavu na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženom inventurnom listom ili ugovorom o najmu shodno tački 7.4.1 pod c) TD.

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi (strana 64-65 Ponude) kao dokaz za traženi valjak iz tačke 7.4.1. pod c) stavka 3. dostavio:

- Račun broj: 128/2004 od 23.12.2004. godine izdat od strane firme "Braća Mujić" export-import d.o.o. Sarajevo, kojim se dokazuje da je firma "Sudel" d.o.o. Sarajevo za svoje potrebe kupila valjak Bomag, godina proizvodnje 1986. i
- Račun broj: 129/2008 od 27.10.2008. godine izdat od strane firme "Braća Mujić" export-import d.o.o. Sarajevo, kojim se dokazuje da je firma "Sudel" d.o.o. Sarajevo za svoje potrebe kupila rabljeni valjak Amman DTV E 472.

Komisija za javne nabavke cijeni da dostavljeni dokazi nisu u skladu sa postavljenim zahtjevima ugovornog organa u TD i da isti ne ispunjava uslove postavljene u TD iz razloga što je tačkom 7.4.2. pod c) stav 3. jasno propisano da se za valjak iz tačke 7.4.1. pod c)

stavka 3. kao dokaz treba dostaviti važeća saobraćajna dozvola/potvrda o registraciji ili važeća upotrebna dozvola.

- Tačkom 9.9.1. TD je propisano da će Ugovorni organ dostaviti na potpis izabranom ponuđaču prijedlog Ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Ugovora je uključen u Aneks 8. tenderske dokumentacije (nacrt). Ponuđač treba samo potpisati prijedlog ugovora i popuniti dijelove koji su ostavljeni prazni.

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi (strana 67-71 Ponude) propustio da postupi po zahtjevu ugovornog organa iz tačke 8.2.1. stav 12. i tačke 9.9.1 TD te nije popunio dijelove nacrtu Ugovora koji su ostavljeni prazni kao što je zahtjevano.

- Tačkom 9.8.1. TD, a u skladu sa članom 61. Zakona propisano je da je ponuđač uz ponudu bio dužan dostaviti garanciju za ozbiljnost ponude u iznosu od 1 % procijenjene vrijednosti nabavke. Obrazac garancije za ozbiljnost ponude i garancije za uredno izvršenje ugovora trebaju biti u formi predviđenom Pravilnikom o formi garancije za ozbiljnost ponude i izvršenje ugovora ("Službeni glasnik" BiH broj: 90/14).

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj ponudi (strana 72. ponude) dostavio garanciju za ozbiljnost ponude broj: 33066872/18/AV od 30.08.2018. godine izdatu od strane Raiffeisen Bank d.d. BiH. Dostavljena garancija nije zapakovana u skladu sa odredbama Pravilnika o formi garancije za ozbiljnost ponude i izvršenje ugovora ("Službeni glasnik" BiH broj: 90/14). Naime, članom 3. stav 1. predmetnog Pravilnika propisano je da se garancija za ozbiljnost ponude dostavlja u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.

Konzorcij "Sudel" d.o.o. Ilidža i "Beton fresh" d.o.o. Sarajevo je u svojoj Ponudi (strana 72. Ponude) dostavio uvezanu običnu kopiju garancije za ozbiljnost ponude, dok je original garanciju, koju je uredno i po propisima zatvorio, dostavio mimo originalne ponude u posebnoj plastičnoj foliji pri čemu je propustio da istu uveže u ponudu kao cjelinu. Postupajući u skladu sa članom 3. stav 3. Pravilnika o formi garancije za ozbiljnost ponude i izvršenje ugovora koji propisuje da "ukoliko garancija za ozbiljnost ponude nije dostavljena na propisan način, shodno stavu (1) ovog člana, ugovorni organ je obavezan takvu ponudu odbaciti", Komisija za javne nabavke cijeni da dostavljena Garancija ne ispunjava uslove propisane podzakonskim aktom koji reguliše ovu materiju.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude kao i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača "Ame" d.o.o Breza ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponude ponuđača "Ame" d.o.o Breza, te je izvršena računaska provjera dostavljene ponude i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o Breza, za izvođenje radova na izgradnji vanjskog sportskog igrališta pri JU OŠ "Zajko Delić" Kobilja Glava,

na području općine Vogošća, kao jedine formalno-pravno prihvatljive ponude, sa ukupnom cijenom nabavke u iznosu od 99.988,06 KM bez uračunatog PDV-a, odnosno 116.986,03 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Ame" d.o.o. Breza
2. "Sela" d.o.o. Sarajevo
3. "Sudel" d.o.o. Ilidža
4. Nadležnoj Službi
5. U dosije
6. a/a

032/783-936

033/592-005

033/622-741

OPĆINSKI NACELNIK


Edin Smajić